


24 - UOVU KATIKA MINYORORO



1

Wakati Ambapo Mwovu Hawezi Kujaribu Tena



2


Kundi la wavumbuzi wa Aktiki walikwama katika kisiwa kitupu chenye miamba. Masurufu yao yalikuwa yakimalizika kwa upesi. Walikuwa wamekula mego za mwisho za chakula. Mafuta yao nayo yalikuwa katika kuisha. Baridi ilikuwa ikiongezeka na walikuwa katika kuganda. Walijiandaa kwa ajili ya hali mbaya kuliko zote. Walijua ya kwamba kifo kilikuwa kikija upesi. Pale tu walipokata tamaa,



3

mmoja wa hawa wavumbuzi waliokuwa katika kufa akatambua kiwingu cha moshi upeoni mwa macho. Mtu fulani alikuwa amenasa mawimbi yao ya redio ya masafa mafupi. Msaada ulikuwa njiani. Ukombozi ulikuwa unakuja. Kile kiwingu kidogo cha moshi kilichoonekana upeoni ndicho tu walicho hitaji kiwatie moyo wadumu pale. Karibuni ndoto mbaya ya hatari hii ya kutisha ingekwisha. Karibuni wangukuwa salama katika joto la chombo cha wokovu wao, na kisha muda mfupi baadaye wangukuwa nyumbani. Nyumbani hatimaye!

24 - UOVU KATIKA MINYORORO



4

Kitabu cha mwisho cha Biblia, Ufunuo, kinafunua ya kwamba msaada uko njiani. Hivi karibuni, sisi pia, tutakombolewa.

Ndoto ya muda mrefu ya dhambi itakwisha.

Tutakombolewa, na Shetani atafungwa.

Tutanyakuliwa angani kumlaki Yesu, na Shetani atafungwa na mazingira hapa duniani,

Tutapokea kautli ya uzima wa milele, na Shetani na wafuasi wake watapokea kautli ya uangamivu wa milele.



5

Kila mara, jaji ama jopo la majaji mahali fulani duniani hutoa kautli ya hukumu kwa mtu ili kutumikia kifungo cha muda mrefu, ili kuonyesha ghadhabu dhidi ya uhalifu.

Hukumu ya vifungo vya maisha vitatu ama vinne mfululizo au hata hukumu ya kifungo cha miaka 99 wakati mtu yupo katika umri wa kustaafu hutolewa bila matumaini bayana kama kweli vitatumikiwa kikamilifu.



6

Lakini kupitia kwa jaji ama jopo la mahakimu, hukumu inaeleza ghadhabu ya jamii mahususi kwa uhalifu wa kutisha.



7

Je, wajua ya kwamba wakati unakuja hivi karibuni ambapo Jaji atatoa hukumu ya miaka 1000 na mhalifu ataitumikia kila siku ya hukumu hiyo?



8

(Fungu: Ufunuo 20:1-3)

Sikiliza maneno haya yatokayo katika Biblia:


Kisha nikaona malaika akishuka kutoka mbinguni, mwenye ufunguo wa kuzimu, na mnyororo mkubwa mkononi mwake.

24 - UOVU KATIKA MINYORORO



9

Akamshika yule joka, yule nyoka wa zamani, ambaye ni Ibilisi na Shetani, akamfunga miaka elfu.



10

akamtupa katika kuzimu, akamfunga, akatia muhuri juu yake,



11

asipate kuwadanganya mataifa tena, hata ile miaka elfu itimie.



12

na baada ya hayo yapasa afunguliwe muda mchache. Ufunuo 20: 1-3.



13

Hapa tunaona ya kwamba Mungu anao mpango wa kumshughulikia huyu mhalifu mkuu kuliko wote katika ulimwengu ambaye amepata kuwepo ambaye anahusika moja kwa moja na kila dhambi na uhalifu uliopata kuwepo katika dunia. Lakini wakati unakuja ambapo atafungwa kwa miaka 1,000! Miaka elfu moja katika mahali pabaya palipoharibika kuliko pote katika ulimwengu. Mara nyingi kipindi hiki hufahamika kama Mileniam.



14

Mileniam ni nini?

24 - UOVU KATIKA MINYORORO



15



16



17

Hiki kipindi cha miaka elfu huitwa mileniam, kutokana na maneno mawili ya Kilatini, mille, limaanishalo elfu moja, na annum, limaanishalo mwaka.

Unabii pia unatuambia ya kwamba Shetani atafungwa kwa

na kwamba atafunguliwa kwa muda mfupi ili kuuhakikishia ulimwengu ya kwamba hata baada ya miaka 1,000, hajabadilika bado ni yule yule mwovu. Ili kuweza kuamini unabii huu na kuona umuhimu wake kikamilifu, tunahitaji kuona jinsi gani unaanza na jinsi gani unaisha na kitu gani kinachotokea katika kipindi kilicho kati kati yake.



18

Niache nitoe kauli hii sasa, na kisha nitaendelea kuhakikisha ukweli wa kauli hii. Mileniam imefungwa kati ya fufuo mbili:




19

1) Ufufuo wa uzima mwanzoni mwa kipindi hicho,



20

na
2) Ufufuo kwa ajili ya adhabu ya milele mwishoni mwa wakati huo.



21

(Fungu: Yohana 5:25)
Siku moja Yesu alikuwa akifundisha wanafunzi wake juu ya mauti, akasema: Amin, amin, nawaambia, ...Saa inakuja, na sasa ipo,

24 - UOVU KATIKA MINYORORO



22

wafu watakapoisikia sauti ya Mwana wa Mungu, na wale waisikiaio watakuwa hai.

Yohana 5:25.

Hapo umeliona hilo.

Wafu wataisikia sauti yake na kuishi.

Hiyo ina maana, wafu wote watafufuliwa.

Najua hilo laweza kuja kama jambo la kushtua kwa baadhi yenu, kwa sababu mlidhani ya kwamba wafu wenye haki peke yake watafufuliwa.

Tambua jinsi Kristo anavyolieleza katika hili fungu la 28 na fungu la 29 la sura hii hii:



23

(Fungu: Yohana 5:28,29)

Msistaajabie maneno hayo; kwa maana saa yaja, ambayo watu wote waliomo makaburini wataisikia sauti yake,



24

Nao watatoka; wale waliotenda mema kwa ufufuo wa uzima, na wale waliotenda mabaya kwa ufufuo wa hukumu.



25

na wale waliotenda mabaya kwa ufufuo wa hukumu. Yohana 5:28,29.



26

Tambua fufuo hizi mbili. Wa kwanza, ni ufufuo wa wale waliotenda mema, na wa pili ni wa kwa ajili ya hukumu ya milele.



27

Sikiliza kile Biblia isemacho juu ya wale watakaokuwa katika ufufuo wa kwanza:

24 - UOVU KATIKA MINYORORO



28

[Fungu: Ufunuo 20:6 (katika Kiswahili ni fungu la 6 pekee; ni tofauti na KJV ya kiiingereza ambapo maneno yanayofuata huwa yapo katika fungu la 5 na la 6)]....Huo ndio ufufuo wa kwanza.



29

Heri, na mtakatifu, ni yeye aliye na sehemu katika ufufuo wa kwanza; juu ya hao mauti ya pili haina nguvu;




30

bali watakuwa makuhani wa Mungu na wa Kristo, nao watatawala pamoja naye hiyo miaka elfu. Ufunuo 20:5,6.



31

Hili linapelekana na lile Paulo alilowaambia Wathesalonike. Tambua jinsi anavyoeleza juu ya kuja kwa Kristo mara ya pili.



32

(Fungu: 1 Wathesalonike 4: 16,17)
Kwa sababu Bwana mwenyewe atashuka toka mbinguni na mwaliko, na sauti ya malaika mkuu,



33

na parapanda ya Mungu; nao waliokufa katika Kristo watafufuliwa kwanza.



34

Kisha sisi tulio hai, tuliosalia, tutanyakuliwa pamoja nao katika mawingu, ili tumlaki Bwana milele.



35

Na hivyo tutakuwa pamoja na Bwana milele. Mafungu 16,17.

24 - UOVU KATIKA MINYORORO



36

Ni maelezo matamu kiasi gani juu ya ufufuo. Utatambua ya kwamba wale waliokufa katika Kristo watafufuliwa kwanza, kisha wafuasi wa Kristo walio hai watanyakuliwa pamoja nao katika mawingu ili kumlaki Bwana hewani!




37

(Fungu: Yohana 11:25)
Siku ile itatimia ahadi iliyotolewa na Yesu, Yeye aniaminiye mimi, ajapokufa, atakuwa anaishi; Yohana 11:25.



38

Ndiyo, wenye haki waliokufa watafufuliwa toka kwenye makaburi yao wakati Yesu akirudi.



39

(Fungu: Isaya 26:19)
Isaya analielezea tukio hili la shangwe: ...Amkeni, kaimbeni, ninyi mnaokaa mavumbini, ... nayo ardhi itawatoa waliokufa. Isaya 26:19. Itakuwa siku ya utukufu kiasi gani!



40

Akina mama wakikutanishwa tena na watoto wao wachanga waliokufa. Waume na wake zao wakiunganishwa tena. Wana na mabinti wakiunganishwa na Mama na Baba! Je, tukio lingekuwa na mguso zaidi ya huo ?



41

(Fungu: Yohana 14: 2,3)
Kisha ile ahadi ya ajabu ambayo Kristo aliifanya muda mrefu uliopita itatimia:Naenda kuwaandalia mahali.



42

Basi mimi nikienda na kuwaandalia mahali, nitakuja tena niwakaribishe kwangu;

24 - UOVU KATIKA MINYORORO



43

ili nilipo mimi, nanyi muwepo.

Yohana 14:2,3


Hapa ndipo watakaookolewa watakapotumia mileniam!



44

(Fungu: Ufunuo 20:6)

Tutakuwa tukifanya nini? Yohana anatuambia Heri, na mtakatifu, ni yeye aliye na sehemu katika ufufuo wa kwanza; juu ya hao mauti ya pili haina nguvu;:



45

bali watakuwa makuhani wa Mungu na wa Kristo, nao watatawala pamoja naye miaka elfu. Ufunuo 20:6.

Pembeni ya furaha isiyoelezeka ya ushirika pamoja na Kristo na wafuasi wake, Yohana anatoa maelezo zaidi juu ya kile watakachikuwa wakikifanya wakati huu wa mileniam:



46

(Fungu: Ufunuo 20:4)

Kisha nikaona viti vya enzi, wakaketi juu yake, nao wakupewa hukumu;.....

Ufunuo 20:4.

Mungu wa ulimwengu wote mwenye hekima au ujuzi wote, mwenye uwezo wote amewahusisha wanaume na wanawake walioanguka katika kazi takatifu ya kuwahukumu malaika walioanguka na watu waliopotea.



47

(Fungu: 1 Wakorintho 6:2,3)

Paulo anasema: Au hamjui ya kwamba watakatifu watauhukumu ulimwengu?....



48

Hamjui ya kuwa mtawahukumu malaika?..... 1 Wakorintho 6:2,3.

24 - UOVU KATIKA MINYORORO



49

Itakuwa wazi mara moja ya kuwa Mungu ni mwenye haki na mwema na asiye na upendeleo.

Kwa miaka maelfu Shetani amekuwa akimshitaki Mungu ya kwamba hatumii haki, na hana upendo, na si mwenye haki.

Miaka ya mileniam italiwekea mwisho swala hili, na kuithibitisha tabia ya Mungu mbele za ulimwengu wote!

Lakini kwa nini tuhitaji kuhukumu malaika waovu na wenye dhambi waovu?

Je, hawajahukumiwa kabla ya kuja kwa Kristo?



50

Ni kweli, lakini je umepata kujiuliza juu ya mshangao utakao kuwa nao kama utamtafuta mtu fulani mbinguni uliyetegemea kumwona pale -- halafu ugundue ya kwamba amepotea milele? Waweza kuiwekea maswali haki ya Mungu.



51

Wakati wa mileniam, taarifa za waliokufa zitafunguliwa.

Siri zilizovungwa sana na makusudi yaliyofichwa katika mawazo ya kila mtu vitawekwa wazi.

Upendo wa Mungu na haki yake vitathibitishwa.



52

(Fungu: Ufunuo 16:7)

Watakaokuwa wakichunguza taarifa watasalia tu na mwitikio mmoja:.....Naam, Bwana na Mungu Mwenyezi, ni za kweli, na za haki, hukumu zako. Ufunuo 16:7.



53

Waweza kuwa unajiuliza kitu gani kilitokea kwa wale waliokutwa hai wakati Kristo akija, lakini hawakupata wokovu. Ufunuo sura ya 19 inaeleza juu ya kuja kwa mara ya pili kwa Kristo na kuangamizwa kwa wale ambao hawakuokolewa katika maneno haya:



54

(Fungu: Ufunuo 19:21)

Na wale waliosalia waliuawa kwa upanga utokao

24 - UOVU KATIKA MINYORORO



55

katika kinywa chake....
Ufunuo 19:21



56

Hakuna uwezekano wa waliopotea kuweza kusimama mbele za utukufu wa Kristo ajapo pamoja na malaika zake watakatifu.



57

Malaika mmoja tu alikuja kwenye kaburi la Yesu, na askari wa Kirumi wakawa kama wafu.



58

(Fungu: Yeremia 25:33)
Biblia yasema, Na waliouawa na BWANA siku ile watakuwapo, toka upande mmoja wa dunia hata upande wa pili.



59

hawataliliwa, wala kukusanywa, wala kuzikwa; watakuwa samadi juu ya uso wa nchi.
Yeremia 25:33.



60

Wakati wa kuja kwa mara ya pili kwa Kristo, wenye haki wanafufuliwa na kubadilishwa kumlaki Yesu mawinguni,



61

wasiookolewa watauawa kwa mng'ao wa utukufu wa kuja kwake -- kwa upanga utokao katika kinywa chake.

Mtu atauliza swali, Vipi juu ya wasiookolewa ambao bado wako katika makaburi yao?

Jibu linatolewa katika fungu la tano la Ufunuo, sura ya 20:

24 - UOVU KATIKA MINYORORO



62

(Fungu: Ufunuo 20:5)

Hao wafu waliosalia hawakuwa hai, hata itimie ile miaka elfu.



63

Sura inaanza kueleweka.

Picha kubwa inaanza kuonekana bayana juu ya kile kitakachotokea wakati Yesu Kristo akirudi:



64

Haya ndiyo matukio yanayokuwepo wakati wa kuja kwa Kristo



65

1. Yesu atarejea, pamoja na malaika watakatifu wote (Mathayo 25:31).



66

2. Wafu katika Kristo watafufuka kwanza (1 Wathesalonike 4:16).



67

3. Watakaokolewa walio hai wananyakuliwa kumlaki Yesu katika anga. (1 Wathesalonike 4:17).



68

4. Waliookolewa wanakwenda nyumbani pamoja na Yesu na kutawala pamoja naye kwa miaka 1,000. (Ufunuo 20:4,6).



69

5. Wale ambao hawakuokolewa wanauawa kwa mng'ao wa kuja kwa Kristo (Yeremia 25:33).

24 - UOVU KATIKA MINYORORO



70

6. Waovu waliokufa hawafufuliwi hadi baada ya miaka 1,000 (Ufunuo 20:5).



71

7. Shetani anafungwa miaka 1000 kwa mnyororo wa mazingira -hakuna wa kumjaribu wala wa kuteketeza !



72

Wenye haki wako mbinguni,
na waovu wote wamekufa.
Kila mmoja amekwenda!
Kila mahali ni uharibifu. (Yeremia 4:23-26).



73

Dunia hii inakuwa gereza la shetani.
Biblia yasema ya kwamba Shetani aliwekwa katika shimo lisilo na mwisho kwa mileniam.
Je, anatiwaje mnyororo?
Kwa mnyororo wa mazingira yanayofanya isiwezekane kwake yeye kujaribu na kuangamiza yeyote kwa miaka 1,000.



74

Wale ambao wamemfuata Shetani wakati wa maisha yao hapa duniani wanauawa wakati wa kuja kwa mara ya pili kwa Kristo, au wanasalia katika makaburi hadi ile miaka elfu iishe.



75

Waliookolewa ni wale wote walio na Kristo kwa miaka elfu.



76

Mwovu anao tu wale malaika waovu kuwajaribu na kuwapotosha, na wao,
baada ya miaka 6,000, ni wabaya kama alivyo yeye.

24 - UOVU KATIKA MINYORORO



77

Dunia hii inakuwa gereza lake.
Alitaka kuonyesha jinsi gani ambavyo angeutawala ulimwengu, hivyo akachukua utawala toka kwa Adamu na Hawa kwa udanganyifu, lakini sasa kila mmoja atakuwa tayari kuona ya kwamba ni mtawala wa namna gani!



78

(Fungu: Ufunuo 20:3)
Utakumbuka ya kwamba Ufunuo 20:3 inasema: Akamtupa katika kuzimu, akamfunga, akatia muhuri juu yake,



79

asipate kuwadanganya mataifa tena, hata ile miaka elfu itimie;



80

na baada ya hayo yapasa afunguliwe muda mchache. Neno la asili la Biblia ya awali limaanishalo shimo ni abussos.
Hili ndilo neno pia lililotumika katika Agano la Kale kueleza juu ya dunia katika hali isiyo na utaratibu na umbo linaloeleweka kabla Mungu hajaumba dunia hii nzuri.



81

(Fungu: Yeremia 4:23)
Ni neno lili lililotumika katika kitabu cha Yeremia: Naliiangalia nchi, na tazama, ilikuwa ukiwa, haina watu; naliziangalia mbingu, nazo zilikuwa hazina nuru.
Yeremia 4:23.



82


Ndiyo, dunia ni abusos au shimo lisilo na mwisho. Patakuwa mahali penye giza!
Sasa, tambua jambo jingine ambalo Yeremia analisema juu ya wakati huu:

24 - UOVU KATIKA MINYORORO



83

(Fungu: Yeremia 4:24, 25)
Naliangalia milima, na tazama, ilitetemeka, na milima yote ilisogea huko na huko.



84

Nikaangalia, na tazama, hapakuwa na mtu hata mmoja, na ndege wa angani wamekwenda zao.

Yeremia 4:24,25.

Utatambua pia ya kwamba fungu lilisema, Hapakuwa na mtu.



85

(Fungu: Yeremia 4:26)

Na tena Yeremia anasema, Nikaangalia, na tazama, shamba lililozaa sana limekuwa ukiwa,



86

na miji yake yote ilikuwa imebomoka mbele za BWANA, na mbele za hasira yake kali. Mafungu 26,27.



87

Hiyo inaonyesha kweli jinsi patakavyokuwa mahali pa kuogofya kupata likizo kwa miaka elfu, je, unakubaliana nami?

Shetani na malaika zake hawana la kufanya ila kurandaranda huku na huko gizani, wakiwa katika sayari yenye giza, iliyoharibika, na yenye ukiwa na wakati huo wakitafakari matokeo ya uasi wao dhidi ya Mungu!



88

Sasa hebu na tupitie matukio yanayoendelea wakati wa miaka elfu (Mileniam):



89

1. Dunia ina ukiwa na uharibifu.

24 - UOVU KATIKA MINYORORO




90

2. Wote ambao hawakuokolewa wamekufa, wameuawa kwa utukufu wa kuja kwa Yesu.



91

3. Wote waliookolewa wako mbinguni wakitawala na Kristo.



92

4. Shetani amefungwa katika sayari hii iliyoharibika ili autafakari uasi wake.




93

Je, Shetani atabadilika?
Habari gani juu ya malaika aliowaongoza katika uasi?
Je, watachagua kumfuata Yeye tena- au watachagua kumfuata Kristo sasa?
Sababu mojawapo iliyomfanya Mungu kuchagua kuiweka mileniam katika ratiba yake ni kutaka kuuhakikishia ulimwengu ya kwamba kama mwovu, malaika zake, na wale ambao wamechagua kumfuata hapa duniani wangepewa nafasi nyingine, bado wangepanya uamuzi huo huo na kuchagua kumfuata bwana huyo huyo.



94


Wangekataa mpango wa wokovu hata kama wangelikuwa na nafasi elfu za kuukubali.



95

Je, Biblia yasema nini juu ya uchaguzi wao?

24 - UOVU KATIKA MINYORORO




96

(Fungu: Ufunuo 20:7,8)
Jibu linatolewa katika Ufunuo 20:7,8: Na hiyo miaka elfu itakapokwisha, Shetani atafunguliwa, atoke kifungoni mwake;



97

naye atatoka kuwadanganya mataifa walio katika pembe nne za nchi,.....



98

kuwakusanya kwa vita, ambao hesabu yao ni kama mchanga wa bahari.
Ufunuo 20:7,8.

Pengine unashangaa watu wote hawa watatokea wapi watakao kuwa katika pambano hili.




99

(Fungu: Ufunuo 20:5)
Kumbuka tunasoma katika sura ya 20 ya Ufunuo, fungu la 5: Hao wafu waliosalia hawakuwa hai, hata itimie ile miaka elfu.



100

Ndiyo, wafu waliosalia ama wafu ambao hawakuokolewa wanafufuliwa katika ufufuo kwa ajili ya adhabu ya milele mwishoni mwa mileniam. Itakuwa picha ya ajabu kiasi gani kuona wafu walio waovu waliofufuliwa katika idadi yao kubwa, waovu wote tangu siku za Adamu hadi kuja kwa Yesu mara ya pili.



101

(Fungu: Ufunuo 20:8)
Yohana anasema,ambao hesabu yao ni kama mchanga wa bahari.
Ufunuo 20:8.



102

Wakati huu huu Jiji Takatifu, Yerusalemi mpya, pamoja na Kristo na waliookoka, wanakuja duniani mwishoni mwa mileniam!
Jiji hili litakuwa ndilo shabaha ya hasira ya shetani, kwani Biblia yasema,

24 - UOVU KATIKA MINYORORO



103

(Fungu: Ufunuo 20:7,8)
Na hiyo miaka elfu itakapokwisha, Shetani atafunguliwa, atoke kifungoni mwake,



104

naye atatoka kuwadanganya mataifa walio katika pembe nne za nchi....



105

kuwakusanya kwa vita....
Ufunuo 20:7,8.



106

Sasa Shetani na malaika zake waovu wanatoka tena kuwadanganya waovu!
Hajabadilika hata kidogo!
Kwa mara nyingine wasiookolewa wanamchagua Shetani kama kiongozi wao.
Mwovu anawapanga kama jemadari mkuu, wanakuwa katika jeshi moja kubwa lililo na shabaha ya kuichukua Yerusalemi mpya kwa nguvu.
Hili ni pambano la mwisho la dunia!
Jeshi kubwa, chini ya uongozi wa malaika muasi, linasonga mbele!



107

Hebu na tusome kile Biblia inachokisema kitatokea:



108

(Fungu: Ufunuo 20:9)
Wakapanda juu ya upana wa nchi wakaizingira kambi ya watakatifu, na mji huo uliopendwa.

24 - UOVU KATIKA MINYORORO



109

Moto ukashuka kutoka mbinguni, ukawala.
Ufunuo 20:9.



Pambano limekwisha! Inasikitisha kiasi gani wakati ambapo hali hii ingelikuwa tofauti kabisa! Kitu gani kinachotokea kwa mwovu? Biblia inatuambia:



111

(Fungu: Ufunuo 20:10, 14,15)
Na yule Ibilisi, mwenye kuwadanganya, akatupwa katika lile ziwa la moto na kiberiti,....



112

Mauti na kuzimu zikatupwa katika lile ziwa la moto. Hii ndiyo mauti ya pili.



113

Na iwapo mtu ye yote hakuonekana ameandikwa katika kitabu cha uzima, alitupwa katika lile ziwa la moto.
Ufunuo 20:10, 14,15.
Petro aliuona moto huu katika njozi na kuandika:



114

(Fungu: 2 Petro 3:10)
...Katika siku hiyo mbingu zitatoweka kwa mshindo mkuu, na viumbe vya asili vitaunguzwa, na kufumuliwa,



115

na nchi na kazi zilizomo ndani yake zitateketea.
2 Petro 3:10
Shetani, malaika zake waovu, na wenye dhambi watakuwa wametoweka milele!



Twaweza kuwa na jamaa, marafiki, au watu tulio wajua na kuwapenda sana ambao watatoweka milele. Kwa kweli, tutalia. Vinginevyo ingekuwaje?



117

(Fungu: Ufunuo 21:4)

Lakini, habari njema ni hii: Naye atafuta kila chozi katika macho yao, wala mauti haitakuwapo tena;



118

wala maombolezo, wala kilio, wala maumivu hayatakuwapo tena; kwa kuwa mambo ya kwanza yamekwisha kupita.
Ufunuo 21:4.



119

Ni umilele wenye utukufu kiasi gani ambao Mungu anawaahidi watakaookolewa!
Mawazo ya kibinadamu hayawezi kuelewa utukufu na uzuri wa Paradiso ambayo Mungu anaandaa kwa ajili ya wale wampendao na walio tayari kumfuata!
Na kufikiri ya kwamba yote haya, waovu wangeyafaidi, lakini ilionekana kwao kuwa vigumu sana!
Hawakuwa tayari kumchagua Kristo kama Mwokozi wao na Bwana.
Ni kundi gani utakalokuwa kwalo katika siku ile, rafiki?
Siku ile itakapofika, utakuwa umechelewa sana kubadilisha makundi.
Hata katika mwanzo wa miaka elfu, wakati Yesu ajapo, utakuwa tayari umechelewa sana.
Itakuwa umechelewa sana hata kama utakufa kwa ghafula bila kujiandaa.
Njia ya pekee ya kujua kwa uhakika ya kwamba u kati ya wenye haki mwishoni mwa mileniam ni kuutoa moyo wako wote na maisha yako yote kwa Yesu sasa - LEO!

24 - UOVU KATIKA MINYORORO



120

Kama ungependa kutoa maisha yako kwa Yesu kikamilifu kabisa, ningependa uje hapa mbele kwa ajili ya ombi la pekee.

Kama unalo tatizo katika maisha yako, njoo mbele kwa ajili ya ombi sasa hivi.

Kama unayo tabia fulani au mazoea fulani ambayo unahitaji ushindi juu yake, njoo mbele kwa ajili ya sala.

Yesu atakusikia. Yesu atajibu. Nitasubiri kwa dakika moja, lakini njoo, na uje sasa hivi.